

La BCG avra la nova sedia regiunala Flem Laax

Las filialas Flem Vitg e Flem Casa d'Uaul unidas en il Center Stenna

■ (cp) La Banca Chantunala Grischuna (BCG) avra oz, ils 27 da november 2018 sia nova sedia regiunala Flem Laax en il Center Stenna. La nova BCG a Flem unescha las anteriuras filialas da Flem Vitg e Flem Casa d'Uaul. Sin las clientas ed ils clients spetgan ina nova sala da clients concepida tenor ils basegns dal temp ed ina cussegliazioni intensivada. Cun questa avertura realisescha la BCG er a Flem il concept da filialas ch'ella ha introduci cun success a Glion, Landquart, Domat e Tusaun. «Ils motivs decisivs dad ir en il Stenna èn stadas la situaziun centrala en in lieu pulsant e la pussaivladad dad unir las duas filialas Flem Vitg e Flem Casa d'Uaul», commentescha *Thomas Roth*, commember da la direzziun, quest pass da la BCG.

Avantatgs per la clientella e per las collavuraturas ed ils collavuratur

«La clientella po ussa nizzegiar tut ils servetschs bancars sut in tetg – en in'atmosfera atractiva e moderna», explitescha *Martin Cavigelli*, manader regiun Flem Laax da la BCG. Sco ulterior punct positiv vesa el l'infrastructura da lavur confirmada al temp per la squadra da 13 collavuraturas e collavuratur. «Quests avantatgs ans han persvadi ed intimà la BCG da far ina gronda investiziun en Flem ed en l'entira regiun», cuntinuescha Cavigelli. Cun ses nov concept da filialas reagescha la BCG sin ils basegns midads. Adina dapli clientas e clients utiliseschan chanals electronics per reglar lur affars da banca. En las filialas van els surtut per cussegliazions persunalas. Transacziuns



Vista sin la halla da spurtegl en la nova sedia da la Banca chantunala en il Center Stenna a Flem.

en il segund plaun sura. Ir a la banca en il Stenna Flem daventa ina nova experientscha moderna per indigens e per giasts.

Automats moderns

Per transacziuns simplas stattan a disposiziun en la sedia regiunala Flem Laax apparats multifunziunals. Els pussibiliteschan da far pajaments e retrair daners en francs svizzers ed euros cun scumpartiziun da las notas tenor giavisch, assegnar daners d'in conto a l'auter sco era consultar il saldo dal conto. En cas da basegn sustegnan ils cussegladers a la recepciun las clientas ed ils clients. Ordaifer ils temps d'avertura è in automat accessibel en la zona da 24 uras.

Il contact persunal stat en il center – dapli soluziuns digitalas

La BCG Flem è averta da glindesdi fin venderdi, da las 08.00 fin a las 12.30 e da las 14.00 fin a las 17.00. «Discurs da cussegliazioni individuals èn pussaivels sin dumonda betg mo en las localitads da la banca, mabain er a chasa tar las clientas ed ils clients», accentuescha Cavigelli la muntada dal contact persunal. A medem temp investescha la BCG en sias purschidas digitalas per simplifitgar a las clientas ed als clients ils affars da banca. Exempels èn il center da clientella nua ch'ils clients pon empustar online daner contant e laschar trametter quel per posta a chasa u era fixar in termin da cussegliazioni.

Dapli davart las soluziuns online per reglar ils affars da banca da tuttas uras sin gkb.ch/digital

sco retrair daners al spurtegl vegnan fatgas adina pli darad ed èn sa reducidas ils davos sis onns per var tschuncanta per-tschiend.

La nova sala da clients sco lieu d'inscunter

La nova sedia regiunala da la BCG a Flem porscha tut ils servetschs bancars sco in-

vestiziuns, finanziaziuns, provediment ed administraziun da la facultad. Las filialas reconcepidas da la GKB na disponan da nagins spurtegl classic. Enstagl datti ina recepciun moderna sco punct da contact central en la nova sala da clients. Qua po la clientella per exempel empustar cartas u far pajaments. «Grazia al nov concept da filialas han nossas collavura-

turas e noss collavuratur anc pli blier temp per la cussegliazioni persunala», declera Cavigelli. Ils cussegladers sa movan libramain e beneventan directamain las clientas ed ils clients. In chantun cun lounge envida da far ina pausa e vegn nizzegia per tgirar il contact cun la clientella. Per discurs da cussegliazioni discrets stattan a disposiziun localitads adattadas

■ CUMINONZA ROMONTSCHA FLEM

Sentupada el museum da skis a Flem

(gg) Il referat da *Beat Livers* en siu museum da skis a Flem Vitg ed il referat dil guid da muntogna *Paul Degonda* el medem liug ein semussai mesjamna vargada sco buna cumbinaziun. Il president *Hanspeter Meiler* e la coordinatura dalla sera *Renata Jäger* han beneventau ils numerus presents ed introduci il program. Lu ha *Beat Livers* surpriu la bitgetta ed orientau sur dalla historia da siu museum e da certs skis ch'el ha rimnau el decuors da sias activitads.

Museum da skis

Tenor *Livers* ha el mess all'entschatta da sia collecziun tut ils skis vegls ch'èin setschentai tier el dalla vart. Cul temps ha quei dau mantuns tut tschufs ch'han clamau da far uorden. Uss dispona siu mu-

seum da rodund 1400 pèra skis dils onns 1850 tochen oz. Negin ski vegn avon duas gadas. Tut ils skis ein ordinau tenor in clar sistem. Ils emprems skis seigien vegni construi ord lènn. Quels seigien mai stai sin pista e vegnevien duvrai per exempel da purs per ir tras la neiv a luvrar. Las ligiadiras erien all'entschatta fetg simplas e devien quasi negina segirtad. Era ils emprems skis per affons hagian buca giu ligiadiras che devien segirtad. Cul temps seigien ellas sesviluppadas alla qualitat dad oz. Tgi ch'hagi propi inventau ils skis seigi buca segir. Ei emporti era buca bia schebein quei seigi stau ils Engles ni ils Austriacs. Duront las explicaziuns da *Livers* sur da differentas marcas da skis, dallas aissas da skis e dils auters exponats han ils presents saviu sere-

gudar cun plascher cun tgei marcas ch'els seigien stai confruntai dad ir cun skis el temps vargau.

Guida da muntogna

Paul Degonda ha orientau il publicum cun raquens, fotografias e films sur da sia lavur, sias experientschas ed aventuras sco guid da muntogna. Gia da giuven seigi el staus fascinaus dalla natira, ius bia cun skis, hagi fatg turas ed hagi era vuliu ir a reiver. Quei hobi ei lu daventau siu mistregn. Cun 20 onns ha el entschiet sia lavur sin quei camp. Oz meina el ina fatschenta che porscha ina lada paletta da disciplinas dad ir cun skis ni da reiver, e quei en Svizra sco era egl exteriur. Cun sia fatschenta porscha el turas, scolaziun ed instrucziun cun examens e cuors da la-

vinas. Ord ils raquens e films sur da sia lavur da stad e d'unviern semuossa la fascinaziun da *Degonda* tier tut las activitads. Quella vegn suttastrahada da bellezza fotografias davart ils differentes sports en grondiusas cuntradas. Il reiver sin preits da glatsch, las turas aultas, il reiver alpin tochen sils spitgs dalla pezza, magari cumbinai cun trekking, quei tut porta tenor *Degonda* bials muments, denton mintgatun era spitachels. Il reiver seigi in sport che drovi cundiziun, forza, cura-scha ed ina buna cumbinaziun dils moviments. Fascinaus semuossa *Degonda* da sias turas ed expediziuns en tiaras jastras sco per exempel: Stadis Uni, America dil sid, Canada, Alasca, Africa, Georgia, Tibet e Nepal. Speciala ed atractiva seigi era la Norvegia cun sias glischs po-

laras. Leu fascineschi la cumbinaziun da far turas els cuolms ed ir cun barca sin la mar e tras fiords. Denton seigi sia clamada era en Svizra captivonta. Leu carmaliens numerusas turas pli cuortas ed era pli liungas cun star sur notg en camonas. Il Bernina ed igl Eiger porschien medemamein experientschas fascinontas e pretendien en tuts graus bunas habilitads davart atletica e reiver.

Aperitiv

Ils dus referents han mintgamai raccoltau grond applaus. Tier igl aperitiv che la Cuminonza Romontscha Flem ha purschiu han ils commembers ed ils hospis giu caschun da discuorer culs referents. La sera ei ida a fin cun interessants contacts persunals ed en buna cumpignia.



Paul Degonda sin expediziuns fascinontas els cuolms da tiaras jastras.



Cuntradas magnificas plein contrast.